


湖北府縣志輯


中國地理志

同治隨州志





同治隨州志



(清) 孫文
(清) 史策先纂
文 俊 齡 修

隨州志序

自古通都大邑有鄉先生焉
於其地之風俗政教靡不搜
輯夫史牒參酌夫古今下皆
勒之於書此邦國之志所以掌
之周禮小史也楚居南服其雄

隨州志

叙

一

據上游甲於漢東諸邑者隨
為最自秦漢以迄前明代有沿
草然風俗之良善政教之設施
以至賦役井疆人文物產尚欲
竟委窮源則苦篇殘簡斷斯
二邦之人心焉憂慙者也天心厭

亂戡定東南全楚人安聿與
文教大府檄督諸郡邑修輯
志乘由是隨人士捃拾舊聞
參稽時事禮延東陽史公主持
纂政筆者筆削者削洪纖備
舉鉅細兼賅經始戊辰而告成

隨州志

叙

二

於己巳暮年之久儼成巨觀噫
亦盛矣哉夫志猶史也不謏凡
起例則龐雜者有紊後先不徵
實秉公則傳會者類多剽竊
溯隨自季梁當國終春秋之
世強鄰不敢以一矢相遺迨其

後英哲挺生名賢繼起非有
世家列傳為金匱石室之藏
倘無以志其懿行嘉言則人
注風微其何以傳信來茲而
不與草木同朽也又况廿年浩
劫戰守繕完其耑戈以効力

隨州志

叙

三

疆場與夫抗節不屈者尤足
以植綱常而扶翼世教耶隨
故隸德安余以乙丑秋來守
是郡獲見夫隨人士始終其
事而樂斯志之觀厥成也因
不揣固陋而為之序

誥授通議大夫前按察使銜直隸

北兵備道現知德安府事加三
級紀錄十次長白振麟仁齋氏謹



隨州志

叙

四

隨州志序

郡邑之有志所以端風化正人心
維氣運培率原發潛濶出徵文
考獻者也况漢東之國惟隨為
大境內唐厲之地是否自為其國
雖難深考而幅輳之廣實數倍
於他邑其間山川之勝人物之奇

隨州志

叙

五

以及方正賢良忠孝節烈代有其
人宜乎唐宋諸賢歌詠流連而
不能忘不尤當採之輜軒列入
史乘歷、誌之以先昭閭里乎乙
丑秋余奉檄權篆察其地當武
漢之冲疊經兵燹凡百凋殘未
守土者自玉宜酌其後先修葺

而振興之迺風鶴頸驚東西交援

幾致岌岌不遑幸邀天眷化陰
為夷者屬矣爰於籌防之後都
人士樂際平成每殷、以創興百廢
為言余亦欣然鼓舞會議紳耆
以畫官州志為先固以立章集費
為急務大局甫定旋以任滿離隨

隨州志

叙

六

撫衷殊覺耿、幸觀厥成固於
陰之賢使君賴之益於隨之士大
夫信其必也嗣聞資助日多經營
日盛 聖宮書院先復規模公解
考棚美昭輪奐無訛執具大手筆
而能肩大任遂以成大功益有人焉
挈領提綱修廢舉墜凡夙願之

所來酬者一旦煥然維新不禁欣
然而慰藉之不已本年秋九月羅
君向齋貽以州乘新本並囑增入
序言開函披覽見夫考定詳明
體裁正大洵搜羅之至廣悉討
之維精撫今思昔尤不勝嚮往而
感慨繫焉從此懿行嘉言垂芳

隨州志

叙

七

型於百世端人正士留浩氣於兩間
將見隨之風化愈以端隨之人心愈
以正隨之氣運日以維隨之本原日
以培而漢東之大之寶益以著仰
副

聖天

子文教昌明涵濡薰陶之雅化夫
豈徒紀山川之盛觀人物之奇已

諸

授奉政大夫同知銜前代理隨州知
事感縣事文齡撰

隨州志

叙

八



隨州志序

亮功之始莅隨也戎馬徧於四郊率邦人授兵登陴卒而圍解始獲安堵踰年再莅瘡痍之後招徠撫字方勤措置文廟考棚官廨以次告成乃議脩州志

隨州志

叙

九

全曰可適奉檄分校鄉閭事竣攝武昌篆旋移牧荆門凡三易宰署矣其時都人士已共延棗陽史吟舟先生相與增輯州志今年既勅成書查使徵序余雖不敏然一再承乏是邦誠有不

能已於言者謹櫟括其畧著之

簡端曰險易生於地形此有定者也強弱兆於人心此無定者也隨之建邦在春秋時已為漢東大國而懾於荆楚惴惴奉會盟恐後卒為所并自西漢末至

隨州志

叙

十

今將二千年其地最號戰衝北則豫西則郢東南則淮鄂介居其間鄰豈有警師之所出必隨是恒與兵事相終始雖有高深川岳資屏蔽而間道叢雜地多坦夷防禦少踈扃鑰遂啓

蹂躪及於腹心矣然而岳武穆嘗用之以蹴悍金趙彥直吳勝之孟德夫璞玉父子之用之以抗勁元矣豈非人心轉弱為強之明驗乎哉間者咸豐時髮逆与擒寇迭起州凡五陷燔其郊

乘其闐以入無人之境余始至受事櫓槍猶熾獐狂獬突吹屑沸地而來者環郭郭數十匝頓兵城下卒至折角摧牙奔北潰走豈區區智力獨能抗凶桀之徒扼其吭而笞其背哉無亦怪

是邦之父老子弟相與同心敵愾躍馬彎弓裹瘡飲血誓馘醜徒然後變累卵之危為金湯之固耳則又人心大可恃尤近事明驗也按州志自

國朝乾隆後曠八十餘年未有

續纂無論文獻寥落往蹟湮晦若戰守機宜尤閭重大關不紀載來者何師諸君子今日汲汲謀裒輯誠明於先務之急者矣又況此邦為神農挺生之壤其民俗皆惇信明義懷忠履孝實

重與伊洛同風地頗沃衍古來
名將駐師於此皆大興屯墾取
供轉輸邦之俊彥文學仕宦蜚
英騰茂尤相望於簡冊方今
景運中興兵事自此弭矣良司
牧煦嫗休息次第修明教養之

隨州志

叙

十三

政邦之間閭相與淬勵琢磨益
彰美俗他日志垂登列有大書
特書不一書者余深望之且預
決之獨所極不能忘則前日親
履危難竟獲安全其效蓋在人
心欲此邦官吏士民雖當恬謐

無忘固圉則苞桑之計莫大於
此因反覆發明他詳見志中者
皆不暇備論 嘗

同治八年歲次己巳仲冬穀旦

誥授朝議大夫

欽加知府銜署荊門直隸州事隨

隨州志

叙

十四

州知州番禺潘亮功撰



隨州志序

隨之壤今越厲產錯連荆豫
幅負廣袤士農食德服疇
涵泳

之化休養生息二百餘年雖以
被寇災而敦龐樸厚之風忘里

隨州志

叙

五

或愛余於同治己巳冬奉

憲檄權茲土甫下車聚都人士
於庭詢以士習民風及曩時政
治可以治者僉曰重修州志有
成備若於編余取而覽之凡地
志食貨職官學校選舉人物

職方所掌無不備至於昔賢

歌詠文章悉採錄之舊志之

闕者仍之近事之有闕名教者

增之可謂信而有徵矣夫邑之有

志猶國之有史也而志實資於史

無主修者則歷年久遠文獻淪

隨州志

叙

六

亡不可考採輯不得其人則或

愛而加厲或略而不詳綜覈不

得其人則體制失宜無以備輯

軒之采傳信於來茲之編考據

詳明體裁宏整蓋由向齋諸

君子同志披羅又得吟毋太守

淵懿宏中精心釐定是以著述
近古思為帝鄉生色非久君
倡修於始潘君傳君踵而任之
未必觀成於此之速也余雖未與
修明幸得覽其輿圖考其山
川與夫天地古今之變忠孝節

隨州志

叙

七

義之行治化循良之績藉以
參酌異同因時施宜或有裨
於政教之萬一至於移風俗
興仁讓使漢東士庶慕然
丕變雍睦誼和返唐虞而
追三代則請以俟後之君子是

為序

誥授奉政大夫補用同知直隸州即補

知縣署隨州事錢塘孫文俊撰



隨州志

叙

六

敘

同治三年歲在甲子各州縣奉 上憲檄徵修志乘余時引退賦閒與同人纂輯棗陽縣志匆遽告竣六年秋隨州告養在籍羅君

隨州志

叙

九

向齋與同州諸君子厲書於余亦以志事相囑時余主誨宜昌書院未遑也明年夏五月歸自彝陵即俶裝抵隨索舊志觀之得劉志四卷及張志十八卷劉志脩於

康熙五年浸漉殘缺文亦

簡陋張志修於乾隆五十

五年視劉志較為詳贍然

自再修距今八十年矣其

間天時人事之變遷土物風

俗之沿革後先相望墜罔茫

隨州志

叙

十

茫加以近年兵燹頻仍冊籍蕩為灰燼考文徵獻曷其難廼與向齋諸君殫心綜覈銳意蒐銓並囑城鄉諸君子分任採訪凡山川古蹟孝義節烈有可以正舊志之外謬而

補其闕漏者無不搜羅務盡
開局於戊辰五月至己巳六月
而書成凡三十二卷為目若干
視舊志增倍夫郡邑之有志
猶列國之有史也豈惟是
鋪張揚厲誇多鬥靡以自附

隨州志

叙

三

作者之林與文人墨士較騷
壇勝負已哉蓋將風示官吏
激揚衆庶搜秘剔隱顯微
闡幽以前車之鑑為後事
之師也況隨為漢東大國
神農耕耨之鄉自季梁

著名春秋至宋歐陽文忠由
隨解試禮部嗣是孟李諸
公後先競奕功業巍煥昔
人謂隨信醕厚類伊汝信
不誣也生斯土其察往歲來
求有可採之節義與可傳

隨州志

叙

三

之文章臣為忠臣而子為孝
子以無負

聖天子

休養涵濡禮陶樂淑之
雅化將見風俗蒸蒸日上人
材輩出媲美前賢而都人
士之厚幸也余不敏敢廁

名簡端而為之序

賜進士出身

誥授中憲大夫掌 京畿道監察

御史知直隸廣平府事 桑

陽史策先吟舟甫撰



廣州志

叙

三

隨縣志序

國也者積縣而成者也凡一縣之民俗政教
土地物產山川險要與夫名人有物名勝古
跡類皆體國經野者所應精心考察以窮
究夫古今利弊之源故縣之有志其為用固
不僅以鴻篇鉅製誇一鄉榮一邑而已也

隨州志

叙

三

客歲

國府迭頒明令蒐求各縣志乘本縣之志
自清同治己巳續脩距今凡六十餘年其裝
訂成帙者類皆散佚無存各前保占邦人
士集議就原板籌款續印均以款未集而
去賤洎余奉 命來權縣篆始措資甘

從以歲其事方余始至之日見其地域僻
絕交通梗塞無其時悍寇入境將進窺縣
城人民驚悸之狀幾如禍在肩睫不覺心焉
憂之以為畿邑不可一朝居及覽其志乘所
載其幅員廣袤民物康阜山水之佳人物
之奇有非他邑所可比擬者在春秋時宜其

隨州志

版

二十五

雄長漢東號稱大國而流風遐嬗英哲
挺生後先相望其來念必有自爰於刷印較
明晰者遂其一通貢之

國府藉以發揚國故覘古昔文化之一斑而隨
之人士亦得以徵文攷獻覽古人之陳迹激發
其志氣將大有造於茲土也其所因顧不大

哉是為序

中華民國二十年元月穀旦隨縣縣長
朱明善撰



隨州志

版

二十六

舊序

今上御極之元年全楚十五郡邑後先各上其乘以倣古
藏方版圖之貢其山川人物賦稅各損益前代而加
詳以無倍車書同文之制鄖子之國屬邑六漢東爲
大大者例先職貢會司牧者遷代而不違文墨至

今上之六年丁未刺史劉公始事剗刪其草定於余未設
鐸之先刻於余方北歸之後雖未得與其盛而適觀
其成謂予宜有一言余屢辭不克乃披誌而參校之
曰誌者何古史之遺意也史之祖惟春秋經尼山之

隨州志

卷首序

一

筆削事簡而言約意隱而義深文詞議論多詳於公
穀左氏之書而本義不錄非如后代史家之繁言疊
詞義蘊易盡僅節取者馬遷之史記歐陽之五代餘
無裨焉蓋史者視春秋而遞降近代之誌視史又降
矣何也作者無專家述者無矢筆致褒譏失豕亥清
無以厭誌者之意僅列具文若漢東之誌庶幾猶近
古焉孔子曰吾猶及史之闕文也與其傳疑無寧寧
闕善行不詳無如闕焉庶後起者思有補葺不獨不
善也漢東之誌其事簡其辭約甯樸毋

甯缺毋濫鄖子之屬邑六首漢東而乘成獨後鄖

邑之乘備務藻采而漢東獨樸實孔子曰周監於二

代鄖都乎文哉郁郁者皆周初本忠質之文非周末

文盛之文也后之覽者必有取於漢東焉康熙五年

潭州王俗謹序

隨州志

卷首序

舊序

隨州志始纂於明成化十三年知州伍希閔繼修於嘉靖十六年知州任德又有州進士顏本漢東志爲世所稱然考任志卽顏氏書也其書破分類體作編年例自謂抑揚微婉竊比春秋至萬厯間德安守某來徵州志見之以爲體制非宜命知州趙士貞增修之士貞卽改竄顏志分類以進遂刊爲成書而漢東舊志面目已失崇正末板毀於兵火

國朝康熙五年知州劉霽重修新志其時各志尙存如論

隨州志

卷首 序

三

鄭鎮而曰考永樂舊志云云則永樂朝已先有志但不知何人纂修又所著述皆於明初特詳而成化後反畧至宋元以前則畧無考證山川地理譌漏尤多惟城池廨署鋪遞賦役官師選舉諸條最爲詳備茲所採輯十居六七間有刪補必確有依據非敢游談聚訟菲薄前人也乾隆五十五年衡齋張璿識

隨州志卷首

重修姓氏

主修

代理隨州知州同知銜興山縣知縣知孝感縣事文 齡

隨州知州知府銜署荆門州事潘亮功

代理隨州知州運同銜同知直隸州用天門縣知縣傅 詩

署隨州知州同知銜遇缺卽補知縣孫文俊

協修

隨州學正六品銜胡孚嘉

隨州志

卷首 姓氏

四

隨州訓導六品銜張道南

監修

隨州吏目六品銜王 鏡

隨州把總高鳳陞

總纂

賜進士出身掌京畿道監察御史直隸廣平府知府史策先

分纂

前廣濟縣學訓導羅輝緒

候選訓導余懋卿